

**Zeitschrift:** Le nouveau conteur vaudois et romand  
**Band:** 91 (1964)  
**Heft:** 11-12

**Artikel:** Amicale di patêjan "Lè Triolè"  
**Autor:** Bongâ, Maryèta  
**DOI:** <https://doi.org/10.5169/seals-233727>

### **Nutzungsbedingungen**

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### **Conditions d'utilisation**

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### **Terms of use**

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 10.12.2025

**ETH-Bibliothek Zürich, E-Periodica, <https://www.e-periodica.ch>**



## Amicale di patêjan « Lè Triolè »

La demindze né 24 de mé, le patêjan ché rêtrovâvan a la pinta d'Epindè. Chi mimo dzoa, a Friboua, ly avê la rinkontra di j'èmi dou patê d'la « Cantonale ». I l'avan la tsanthe de vêr le bi theatre konpojâ pê M. Franthè Brodâ è dzuyê pê di bon j'akteu de Chorin.

Che to ché pachâvè le mimo dzoa no j'an kan mimo jâ le pyéji de vêr mé de 60 patêjan ke l'avan l'amabilitâ de vinyi a Epindè. La chochiêtâ de tsan avui chon devouâ direkteu M. Ballif no j'an rêdzoyi pê le bi j'akouâ de lou vouê. Kemin l'è bin le momin, la vèlyâ l'a keminhyi avui le tsan d'la « Poya ».

M. Franthè Mouron, préjiden, l'a rêmahyâ ti le patêjan ke no fan prâva d'amihyâ è l'a bayi la parola a M. Kolly, député.

D'ouna vouê on bokon èmohyenâye, y l'a rindu on'omâdzo ou rêgrètâ poète M. Dzojè Yêrle. Ly'a djuchto trè j'an ke le kâ dou gran patêjan ché arèthâ. Ly, k'amâvè tan le bounè kothemè, tyin pyéji y l'avê ti le j'an de menâ chon bi tropi de tyakè nêrè por alâ poyi ou Yantsè.

M. le préjiden l'a rêmahyâ po hou bounè parolè in dejin ke chi mimo dzoa la chochiêtâ « Cantonale » l'avê dèchidâ de fére on lèvro avui le pye bi j'èkri dou gran patêjan de Trivo.

Por amujâ le patêjan, Marièta Bongâ l'avê inkotzi on galé protocole ke l'a dourâ on kard'âra. Du chin èthê le toua a ti le

j'abituâ de nouthrè achinbyâyè de no fére a rèkathalâ pê lou galéjè gouguenètè.

Po le konkour de Bulo, la chèkretéra l'avê èkri « Prèyire è konfyinthe in Dyu d'ouna dona k'èthê jou réjêrvâ po ha vèlyâ ». M. Mouron l'a achebin y'è le chovinyi d'la Premire Mècha de chon fe Léon. Ti le patêjan l'an jâ dou pyéji d'our le reportâdzo d'la bala fitha ke l'a jou yu a Epindè.

I m'è féjo on devê de minhyenâ le bi tsan ke l'an betâ tan de dzouyo a nouthra vèlyâ. Pê la direkchyon de M. Ballif, le tsantre l'an fê our *Le bi payi d'la Grevire, Lè trè j'èmi, le pan, le fre è le vin, è Nanèta de Prâtzè*. Po chti dèri M. Linus Hyimin ché dichtungâ kemin soliste è in apri y l'a tsantâ *Lo Bouébo*.

M. Robert Horne, de Tzejalè, no j'a achebin fê a rire avui le tsan de *La vèva de Chenéde*.

Din nouthron comité ly a on piti tsandzémin. Che M. Gabriel Gross, ke n'avê pâ mé la pochibilitâ de vinyi i achinbyâyè, l'a bayi cha dèmichyon, y l'è rinpyèthi pê M. Denis Terreaux. No rêmahyin M. Gross po to chin ke l'a fê po la chochiêtâ, è M. Terreaux d'avê bin volu répréjintâ le velâdzo d'Arkonhyi kemin minbro dou comité.

A la dèmanda di patêjan chti dèri nomâ l'a tsantâ : *Lè j'adyu ou Yantsè è Lè dèri botyè*.

Apri le tsan di j'Armalyi di Colonbètè, M. le préjiden l'a chouètâ bouna rintrâye a ti le patêjan. *Maryèta Bongâ*.